

臨武縣志卷之三十八

方技志

自太史公編列傳七十暨於扁鵲倉公日者龜策而  
范史因之作方術傳其後列朝紀傳家往往載筆及  
之統一代而言也臨爲邊邑販章不廓其可稱述者  
無幾然通方之士自必良於行一技之能可以進于  
道如王劉諸人孝友無虧清廉自矢亦可謂翹然傑  
出者矣志方技 曹家玉識

明

臨武縣志

卷之三十八

方技志一

長松名上亨邑之東隅王氏子也蚤歲喜外遊歷三年  
始歸里已而復去又五載乃還幼不習詩書然矢口  
吐詞率雅而中理間於大小未然事憑臆侈說多竒  
中如協蓍蔡人皆呼之曰神仙長松益泊然不欲炫  
異往往默不復言與邑大司馬劉公爲昆弟爾汝交  
嘗呼其字凝齋凝齋笑曰君不當爲尊稱耶長松輒  
拂衣起辭劉笑而謝之神廟時劉開府東粵征崑獠  
島寇必携與俱行叅預帷幄舉凡進止機宜虛寔遲  
速戰守勝負以暨雨風霽晦咸于事前預訊之罔不

一一苻駿不爽以故發人之欽信而莫敢媒狎之也  
嘗北走京師鉅公名卿爭相識訪長松顧非其人莫  
肯造謁時大冢宰尹洞山臺負時巨望講學東南長  
松歸而訪之於永新洞山一見竒之留居數月瀕行  
叙以贈之曰臨武人王長松余未始與之識面亦不  
聞其姓字頃訪余於山中怪其古貌樸狀眊眊然如  
見葛天無懷之民於羲皇未開治之前也其年垂四  
十尙未娶事繼母至孝出必告告必約以還期期至  
輒趨行人或留之則淚潛然下曰母約顧可違乎其

臨武縣志

卷之三十八

方技志二

至性類如此且素不知書與之談理道則井井有條  
若嘗從事于學者然間及望氣占山相人禍福往往  
竒中其殆古之所謂畸人者歟今告歸余以四韻詩  
納之行李以志好云詩曰王叟山中出烟霞氣尙存  
鹿便豐草臥鳥慣碧林音賦隧爲誰者循陔自暗魂  
雄乎空識字投閣媿元論邑令金公元亦爲山人行  
以贈之曰舜峯名並祝融峯武山環抱流晴虹文章  
不獨產巨公亦有異人帶仙風雙眸炯炯若重瞳意  
態不減曼倩容無求無怨厭塵踪自謂浮生逆旅中

山雲一片飛真空從吾所好樂何窮堪笑紛華晋石  
崇南遊雁宕北崆峒凌波直到海天東十洲三島窺  
瀛蓬虛明先覺一誠通洛疑元龜河疑龍吉凶悔吝  
知始終王生應是詡之宗昔有鬼谷今長松厥後凝  
齋力勸之娶且責以蹈無後不孝之罪長松不得已  
從之越二年忽告家人曰吾行矣遂卒人疑爲尸解  
云

國朝

鳴玉姓劉氏桂陽州人或云江右人其世業不可得詳

臨武縣志

卷之三十八

方技志三

康熙初吳逆構禍避地邑之鑾一都舌耕自給精六  
壬遁甲術數之學與人言未來事輒有左驗能運掌  
雷值歲旱里閭中邀之禱雨鳴玉曰雨可祈乎將自  
至爾已乃削木爲符偕其鄉人登山椒傳符石上握  
拳椎擊符輒入舒指則砰礮一聲雷起雲端矣歸至  
中途大雨如注歲以不歉館之東數里許有梨園輩  
演劇館徒六七人邀共往觀時溽暑方殘秋陽尙暴  
童子等爭擔簷握笠相向前驅鳴玉曰天且陰無須  
爾爾行不數武斷雲裊空油然四布隨所至而皆蔭

往反間不受蘊燼之苦性坦率不飾邊幅然亦廉潔  
自矢嘗晚舖斷菜羹摘取旁舍豇豆以充且則如數  
買訖繫諸籬上偶暑行無計止渴陰取道旁王瓜啖  
之亦繫錢數文竽上以償其耿介類如此

### 續方技

彭肇基字啟瑞豫章人寄籍南隅業儒補弟子員其父  
崑山以善醫著於臨基性聰穎得父書而神明之邑  
中病者賴以全活不下千百人